



Ia e iloa Manatu Moni e uiga i le Tuipuipei COVID-19

Sa faigata le tauiviga ma le faama'i oti, a'o lenei ua iai le tuipuipei e puipuia ai tatou.



E saogalemu le tuipuipei

Ua malilie foma'i ma le au fai suesuega i le saogalemu ma le aoga o le tuipuipei. Na faataga e le Puleaga Taumafa ma Vailaau U.S. (Food and Drug Administration) (FDA) le faaogaina o le tuipuipei mo tulaga faafuasei ma ua iloa ai e leai ni popolega matuia. Ua faamautu e tagata popoto faapitoa tuma'oti ua oo le tui i alāfua maualuga o le saogalemu ma aoga.



E fai fua le tuipuipei mo tagata uma

O tagata uma, e le afaina ai le inisiua ma'i, tulaga o femalagaa'iga, faia o pepa, poo le nofomau, e mafai ona tuipuipeia e leai se totogi pe a agavaa ma ua lava le sapalai o tuipuipei.



E faamuamua tuipuipei o tagata aupito maualuga le lamatia

E tusa ai ma ta'iala a le Setete, o tagata aupito maualuga le lamatia i le inifeti ma le pepesi o le COVID-19 o le a muamua tuipuipeia. I se taimi o lenei tausaga, pe a lava a tatou vailaau, o le a maua se avanoa e tuipuipeia ai tagata uma. O loo gaosia pea tuipuipei i aso uma.



E ono tutupu isi aafiaga le tumau i le tuipuipei

E pei foi o isi tuipuipei masani, e ono tiga lou lima, fiva, tiga le ulu, pe vaivai pe a uma ona tuipuipeia oe. O faailoga ia ua aoga le tui. A uma ona tuipuipeia oe, faaoga pea lau tali fofoga ma faamamao i le ono futu mai tagata e le'i tuipuipeia ina ia saogalemu.



O le tuipuipei lo tatou avanoa sili e faatoilalo ai le faama'i oti

I le faia o tuipuipei, o lou fesoasoani lea ia tatou fanau e toe foi i a'oga faafesaga'i, tausii le saogalemu o tagata matutua, faataga pisinisi e toe tatala, ma toe faafoi itu uma o le soifuaga faanuu ma aiga i le mea masani e pei o lo tatou faatasitasi ma toe fai sauniga faailogai.

Manatua, o au gaoioiga e toe faasaoina ai nisi soifua. Faaoga se tali fofoga, faamamao ese, faanofoese oe pe afai ua iai ni ou auga, fai se suega, ma afai ua e agavaa, fai se tuipuipei.

Saili poo afea e te agavaa ai e tuipuipei oe: asiasi i le www.smchealth.org/covidvaccine.



COUNTY OF
SAN MATEO



SAN MATEO
COUNTY HEALTH
All together better.

